



12. august 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**1. Naalakkersuisut suliniutit suut aallartilersaarpaat nunami maani ulloq unnuarlu angerlarsimaffinni pissutsit pitsanngorsarniarlugit meeqqat/inuusuttullu inissitat sulisullu eqqarsaatigalugit?**

**2. Meeqqat/inuusuttut ullumikkut ulloq unnuarlu angerlarsimaffinnut inissinneqarsimasut siusinnerusumut naleqqiullugu innarlerneqarnerusimapput. Meeqqat inuusuttullu avatangiisini ajornartorsiutilinniittut ullumimut naleqqiullugu siusinnerusumik ikiorneqartalernissaat pillugu Naalakkersuisut sunik suliniutinik aallartitsiniarpat?**  
(Inatsisartunut ilaasortaq Palle Christiansen, Demokraatit)

**Tunngavilersuut**

Ulloq unnuarlu angerlarsimaffiit pillugit 2012-mi ukiumoortumik nalunaarut atuarlugu toqqissisimanangilaq. Ajornartorsiutit aallartittarput meeqqat/inuusuttut inissinneqartussat ulloq unnuarlu angerlarsimaffinnut sulii attuumassuteqalinngitsulluunniit. Ukiumoortumik nalunaarummi tikkuarneqarpoq, meeqqat inuusuttullu innarlerujussuarneqartartut angerlarsimaffiminni avatangiisinit ajornartorsiutilinniik sulii qimagutitaanattili.

Tamanna tunngavigalugu pingaaruteqarpoq inuiaqatigiit meeqqanik angerlarsimaffinni ajornartorsiortunik takunnillaqqissinissaat. Allatut oqaatigalugu iliuuseqallaqqissisariaaqarpugut meeqqatinuusuttullu ikiorneqaaqqullugit, avatangiisiminnik ajornartorsiorfiusunit annertuallaamik innarlerneqartinnagit.

Piviusuuvoq meeqqat inuusuttullu 2012-mi ulloq unnuarlu angerlarsimaffinnut inissinneqarsimasut siusinnerusumut naleqqiullugu innarligaanerusarsimammata. Taamatut naliliipput ulloq unnuarlu angerlarsimaffinni pisortat. Annertuumik innarlerneqarsimanerat pissutaalluni, ulloq unnuarlu angerlarsimaffinni najugaqartut sivinerusumik, akisunerusumik perorsaaniikkullu nukiit amerlanerusut atorlugit katsorsarneqartariaqartarput isumassorneqarlutillu.

Ukiumut nalunaarusiaq naapertorlugu ulloq unnuarlu angerlarsimaffinni meeqqat/inuusuttut katsorsarneqarnissaminnut pisariaqartitsinerusut eqqarsaatigalugit pissusissamisoorpoq sulisut amerlassusaat eqqarsaatigissallugu, ineqartut ataasiakkaat sullillu arnerujumallugit sinaakkutit tamanut toqqissisimanartut ataanni.

Tamatumunnga atatillugu pingaaruteqarpoq qulakkiissallugu sulisut pitsaasumik atugaqartinnissaat, ulloq unnuarlu angerlarsimaffiit sulisunik piginnaanilinnik sulisussarsiniartarnerat imaannaanngeqimmat. Tassani ilaatigut sulisut ikilisinneqarnissaat aqqissutissat ilaattut tikkuarneqarpoq.

Apeqquq akeqquneqarput tigusineraniit ullut sulliviit naliginnaasut qulit qaangiutsinnagit